

Die Nagglmaiern.

Ma sollt's nit glaawe, was en Gockl-hahn, der schunn bei allem Vergänglichke, also bei de Dode, liggt, nit noch alles durchmache, un in was for Händ als noch kumme kann! Un doch is e G'schicht basfirt, die uns beweist, daß alles meeglich is, wann's e paar lüchtige Brieder als emool zu wohl uff d'r Welt werd. Du, segt eener vun denne Schöpfmacher, der



also so'n verschtorwene Kiferiki imme gewisse Haus, daß 's ganz Johr Essig im Schild siebrt, im Hof imme Eck ligge holt sehe — Du, der Gocklhahn werd jetzt im Wachsduch eingewickelt, durch de „Nagedeckl“ in die Wiener Rich expedirt, un sage gelobt: Der Hahn sollt zurecht gemacht werre, heit Dowend kämte mer un dhäte e paar Flasche Wein dazu peke. — G'sagt, gedhan. Mein guter „Nagedeckl“, der vun nig weef, kriecht de Hahn im Wachsduch zu braklizirt mit'm scheene Empfehl an die Wiener Richewerrth. Er schbringt wie e jung Beckl vor Bergniege, dann er is so eingelade zu dem Hahneesse. Wie hott'r sich unnerweg's Reichl g'schricke un mit d'r Zung g'schnalzt. E valoh Hahneesse kummt'm nit alle Dag vor. — So kummt'r glicklich mit seim Dode im Wachsduch an Ort un Schtell an. Zufällig war awer d'r Werrth grad b'schäftigt in d'r Werrth'schtubb. Mein guter Nagedeckl denkt awer so: Zeit is do keeni lang zu verlieren, 's werd aweil schun frieh Nacht — gehst selwer in die Rich un reddst mit d'r Rechin, un leg't'r hoch un dheier an's „goldene Herzl“, sie meegt jo den Hahn gut zurecht mache, es kämt e feini G'sellschaft, zu der aah er g'herre dhät, heit Dowend in die Werrth'schaft, unmm'n zu wickle. Norr gut zu recht mache, „golde Herzl“, segt'r, es kummt uns uff e Drinkgeld nit an. Ganz gewiß nit! — Unnerdese hott d'r Wiener Richewerrth sein G'schäft in d'r Ein-

schent obgewickelt un sieht unfern gute „Nagedeckl“ wider retur aus d'r Rich kumme. — No, segt'r, hoscht d'r Rechin die Kur gemacht, Nagedeckle? Wart, ich werr d'r! — Jo, segt'r, all mein Sorg! Mit denne Bosse gew ich mich nit ab! En Hahn — en brechtige Kerl vun'm Hahn haw ich in die Rich gebrocht, den die Rechin zurecht mache soll. Mir wolle heit Dowend emool een uff Wiener Manier schbeise. Nicht norr eweil de Wein dazu! — Recht so, segt d'r Werrth. Kummt norr bei Zeit. Ihr sollt zufriede sein mit d'r Wiener Hahnespoos. Es soll eich schmede! — Abgemacht Leitche! Alles in Ordnung. Awer merkwerdig. Sunst macht als d'r Deisl sein Schbiel. Des'mool hott's awer en Heiliger gemacht. Zufällig sigt nämlich d'r heilige „Steph-an-nus“ in d'r Werrth'schaft un heert was vun der Gocklhahneg'schicht. Wart, segt'r ganz heemlich zu seim Nachbar am Dsch, zumme schtarte Koflenker, wart, denne wolle mer Gocklhahne esse — denne wolle mer's Maul sauer halte. Des gibt was for uns. Die solle Lage mache, wann se heit Dowend mit de leere Mäge kumme. — Segt's, schleicht sich in die Rich, schtibbigt d'r Rechin de Gocklhahn, unner d'r Hand weg, un lost sich vum Koflenker mit in e anneri Werrth'schaft „geige.“ Dort werd'r iwegewe wie in d'r Wiener Rich, un unfer zwee neie Witzevogl verschbreche innere halwe Schtund widder zu kumme, un dem Gocklhahn de Garaus zu mache. — Leider is'es awer dodertzu nit kumme. Beim Gocklhahneroppe is die ganz G'schicht an de Dag kumme. Die zwett Rechin hott gleich gemerkt, uff was fore Art der arme Gockl aus d'r Welt kumme is. Uff kee Fall durchs Messer, segt se. Madam, dhun se mer den Hahn aus d'r Rich. Er is nit sauer! Do hilft aah ke „Koseel“ mehr! — Unfer guter Gockl werd also widder in's Wachsduch gepackt un durch en Dienstmann in die Wiener Rich zurick'schickt. So viel'r gemerkt hätt, lost d'r Werrth sage, wär der Hahn vun zwee dort ausg'siebrt worre, un so Broode meegt'r keem zurecht mache losse. — Jetzt muß awer aah unfer Wiener Richewerrth gemerkt hawe, daß der Hahn nit ganz kofcher war, dann er hott ke Feier unner mache losse. — Schaad, Leitche, daß'n nit eener vun denne zwee Werrth in die Pann gelegt. En G'sellschaft vun denne Schbavvegl hätt mer anbeise misse. Entwedder die Ritter mit'm heilige Schtephanusorden oder die Bauere, Zimmerleit, Schneider un Nagedeckl-konsorte!

Die Buchdruckerei von G. Geisendörfer

in Heidelberg (Schiffgasse 4)

empfehl't sich in allen in dieses Geschäft einschlagenden Arbeiten, namentlich im Druck von Visiten-, Verlobungs- und Adress-Karten, Rechnungen, Circularen etc. etc.

Druck und Verlag von G. Geisendörfer